



Pontevedra e a acción exterior de Galicia

Description

A historia de Galicia, principalmente determinada neste sentido pola nosa posición xeográfica, foi de sempre unha historia conectada ao mundo de maneira intensa. Especialmente desde o mar e as rutas marítimas globais, das orixinarias ás actuais. Nesa vibrante aventura de conectividade internacional de Galicia, Pontevedra terá o seu momento de máxima exposición coa aparición da Feira Franca a finais do S.XV, convertendo a cidade nun porto referencial das ruta comerciais en Europa, sendo a cidade máis poboada e próspera de Galicia durante 200 anos....

A historia de Galicia, principalmente determinada neste sentido pola nosa posición xeográfica, foi de sempre unha historia conectada ao mundo de maneira intensa. Especialmente desde o mar e as rutas marítimas globais, das orixinarias ás actuais. Nesa vibrante aventura de conectividade internacional de Galicia, Pontevedra terá o seu momento de máxima exposición coa aparición da Feira Franca a finais do S.XV, convertendo a cidade nun porto referencial das ruta comerciais en Europa, sendo a cidade máis poboada e próspera de Galicia durante 200 anos....

Desde aquela e chegados os tempos distópicos actuais, impresiona observar a liña de tempo da Pontevedra internacional actual ligada á referencialidade do modelo urbano, hoxe tan premiado internacionalmente. Ao comezo a loita medioambiental contra a contaminación, a recuperación da beleza e orgullo de cidade ou a procura da seguridade vial, foron elementos tractores da reforma e revolución urbana, que se converteu de maneira visionaria no eixo central do modelo de cidade desde o primeiro mandato de Lores.

Pontevedra hoxe, coma cidade intermedia no mundo do S.XXI é un referente global no deseño urbano das cidades do futuro, premiada a nivel europeo e mundial, e o seu exemplo reproducese por medios de comunicación e cidades do mundo enteiro. Desde aquel Premio ao Metrominuto no 2011, o ONU-Habitat no 2015 ou a aparición viral no xornal británico The Guardian 2018, os minutos e os espazos de publicidade internacional para a cidade multiplicáronse, converténdose nun dos nosos activos máis relevantes para a proxección internacional de Galicia. O máis sorprendente e indicador máis verdadeiro é que calquera persoa que visita Pontevedra experimenta cos seus pasos os premios e os piropos de urbanistas de todo o mundo.



A inspiración do modelo vai dos clásicos de sempre e da época, aterrada ao contexto da Pontevedra dos anos 90. Teñen moito de simbólico co paso do tempo as primeiras visitas a Pontevedra de Jeanne Picard ou F. Tonucci, arredor da reforma urbana e o deseño amigable das cidades coa infancia a comezo dos anos 2000. Ademais, é un un modelo onde a relación coa actual ENCE fixo do ecoloxismo unha pegada estrutural da cidade.

As consecuencias daquelas decisións de comezos de século dan 20 anos despois resultados rotundos en relación á seguridade vial e a mobilidade urbana, a saúde das persoas ou do aumento sistemático do número de visitantes e turistas da cidade, mais tamén en relación a unha visión estratéxica en relación co internacional no impulso da súa *programación*: o Salón do Libro, os multitudinarios e variados eventos deportivos internacionais, a Feira Franca, o Festival de Jazz, a Semana galega da Filosofía, as relacións con Portugal e a a lusofonía en xeral...

Nese proceso a cidade medrou orgullosa de maneira transversal coa cidade construída, contando xa con actores consolidados e empresas e entidades internacionalizadas en liña co propio modelo, así coma segmentos estratéxicos ben posicionados na relación co global; coma a moda, o deseño, a saúde, o deporte, as tecnoloxías, a gastronomía, a Universidade ou a cultura.... A ollada plural desa vida internacional engade moito valor diferencial e posicionamento.

Na ollada da Axenda 2030 de Nacións Unidas e a próxima década, pensando desde Galicia e Pontevedra, a captación dos fondos europeos e internacionais, investimentos, talento, ou visitantes, o perfil internacional de excelencia desenvolvido co modelo urbano é potencial embaixada de todas as persoas e axentes da cidade, e de Galicia. Na ollada dos próximos vinte anos todo este capital acumulado pode xogar un papel extraordinario no modelo de desenvolvemento da cidade e da propia Galicia, nese alíñamento integral coa Axenda 2030.

Este artigo realizouse no contexto da chamada realizada polo Ateneo de Pontevedra arredor dos Retos de futuro de Pontevedra.

APARTADOSTEMATICOXEOGRAFICOS

Acción exterior de Galicia

ETIQUETAS

Galicia Pontevedra internacional

IDIOMA

Galego

INVESTIGACION

Paradiplomacia

Date Created

Novembro 23, 2020

Meta Fields

Autoria : 3782

Datapublicacion : 2020-11-23 00:00:00